



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

**Contact Numbers pawimaw :**  
DC/CCPur : 03874-234234  
SP/CCPur : 03874-236747  
Police Station : 03874-202248  
SP Control Room: 03874-233239  
Dist. Hospital Casualty : 03874-233370  
Fire Brigade : 8974 147 799/  
8258 057 887 / 8974 103 600

Hmasawanna Thar Vol - 32/96

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy



Manipur-a District pahna Churachandpur khawpui sung lamlien hai chu tulai khaw inthlal leini a thanaw in a khu zool hle. Khawpui sung, veng/khuo infepawna lampui le khawsunga lampui hmun tamlem hai chu motor tlan hai ta dingin thal tui kang laia vadung sunga motor khal ang a nih.

Mani motor ngei khalu hai chu an mit a tet sim sawk sawk a. Mi motor hman le khalu hai ruok chu a tethnawng awk awk ve thung.

Mi tlawmngai thenkhatin lampui inkhurna hmun hai lungphit sungin hrubkit hlak hai sienkhawm boruok sukku hai sukkal zuolto an nih.

Fur hunah lampui haiah vadung angin tui an luong hum hum hlak baw. Khawpui sunga lampui hai ngirhmun hman hieng hi a ni chun tlangram biela lampui tha chu Vana ra ang a nih.

**Karkhat sung chau dai ni lo kum 5 bek dai ding lampui mi siem pektu ding sawrkar ei mamaw hle!**

## CHANCHIN LAKTAWI

### Weaving le Driving training thei

**CCPUR:** Vocational Training Institute (VTI), Muolhlu Rengkai, CCPur a chun Weaving le Driving training nuom hai ta dingin Application form lak thei hun a nih. Application form hi Rs. 10/- pein Office a lak thei le January 25, 2017 chenin peklut thei ning a ta, class chu Feb. 1, 2017 a tan ning a tih.

### KIC, CCPur in inrawnkhawmna

**CCPUR:** Kuki Inpi, Churachandpur (KIC) chun tulai Manipur-a harsatna le buoina ei tuok mek le inzawma inrawntlangna nei dingin Jan. 24, 2017, 11AM khin M. Songel Community Hall, CCPur hmuna inkhawm a ko a, Hi hunah hin Kuki hman sunga Lal hai, KIC, KCA, KCLF, KSC, KSO, KKL, TKSU, KWU, KWORH le a dang dang haia GHQ/Block/Unit tina thuoituhai bakah Kuki hman sunga Intellectuals hai a thei thei thung dingin President, KIC chun an hrietir.

### Pherzawl district lawmna vawisun

**CCPUR:** Manipur sawrkarin District thar 7 a siem belse hai laia CCPur District-a inthawk District thar pieng ve 'Pherzawl District' lawmna chu vawisun hin Pherzawl Community Hall-ah puithu le ropui takin rui the meuin lawmna um a tih. District thar lawmna hi sun le zan inza-wma hman ding a ni a, hi hun hman na thung ding Pherzawl DC le district officials dang dang hai khawmin zani hmasa khan CCPur suksanin Pherzawl an pan taw t a nih.

## GAS NEWS

**Agency: SAS**  
Booking: 4th. Oct, 2016 to 3rd. Nov, 2016  
Delivery: 16-01-2017 (MON)  
Time : 8AM- till stock  
STOCK : 254  
Rate: Rs. 737/-  
First come first serve.

## Saikawt Stadium bawlina ding hnuoi nawr ruol mek



**CCPUR:** Manipur-a stadium le Youth Centre puitham tak le changkang tak dinga ngai Saikawt, CCPur hmuna For One Life hmalaknaa Youth Centre-cum-Stadium bawlina ding le inzawma ground breaking nei a ni hnungin tuhin JCB le Truck hai hmaning hnuoi nawr ruolna (levelling) sin ngawr taka thaw mek a nih.

Hi stadium/Youth Centre hi tum anga a hung puithing pha chun inruithai thilin a sukbuoi mek t halai tam tak hai ta dinga insiemthatna le intuithar-

## CCPur a khawm Boruok a la dei zawm pei

**CCPUR:** Tulai ni iemanizat liemta inthawk India ram hmun tum tum le India hmasak biel haia boruok dei a hung zuolkai ang bawkin Churachandpur a khawm tulaia boruok dei hung zuolkaina chun zieu-tiang a la pan chunguonaw a, boruok hung dei thar lei hin tuta hmaa meiphu awi ngai lo hai khawmin tulai hin meiphu an hung awi tan a, Meihawl zawr a fe hle. Tulaia dingin CCPur district-a zawr fe tak a ni el thei.

Zani zantieng chena CCPur/Tuithaphai temperature chu 9 degree Celsius a ni a, zan huna 5 degree Celsius a tling. January 16, 2017 sun huna CCPur temperature chu zingkar 11 degree C; sun huna 23 degree Celsius le zan huna

## Core Committee Recommendation dungzuiin party ticket pek ning a tih: Prakash Javadekar

**IMPHAL:** March 4 le 8, 2017 haia Manipur Assembly seats 60 haia inthlangna hung um ding le inzawmin BJP thuoitu han Hotel Classic Grande, Chingmeirong, Imphal-ah meeting an nei. Hi meeting-a hin Union Human Resource Development Minister le BJP Manipur in-charge Prakash Javadekar, BJP MP Prashar Singh Patel, BJP Secretary (Organisation) Ajay Jamaal, BJP Manipur Pradesh President K. Bhabananda, BJP State Ticket Committee Con- verner Th. Chaoba le hotu dang danghai an thang. Hi meeting a hin party ticket pek dan ding thu an hritlang. An thu rei chipchier tak ruok chu puonglang a ni nawh.

Hi meeting zova Prakash Javadekar in BJP



Manipur Pradesh Office, Imphal-a Chanchinbumi- hai an hmupuinna chun, 11th Manipur Legislative Assembly Elections, 2017 hung um dinga hin BJP chun seats um po po 60 haiah candidate nei vavng a ta, final candidates list chu Cen-

tral a party hotu han siem an tih. Candidate dinghai chungthu hi Central BJP thuoitu han Jan. 17, 2017 ah ngaituotlang an ta, candidates list hi puonglang hman a ni el thei tiin a hrit. UNC Economic Blockade leia Manipur mipuihai harsatna hi sawrkar thlung-

pui chun a ngaimaw hle a, hi le inzawm hin Manipur-ah Special Secretary pahni le Union Minister of state for Home Kiren Rijiju hai hungtir an ni ta bakah New Delhi-ah tripartite talks ko a ni a, sienkhawm Manipur State sawrkar palai an thang naw lein tripartite talks nei thei lovin a um a nih. Hieng sa khawm hin Economic Blockade hi sawrkar thlungpuin Central Paramilitary Forces Companies 40 a hung tirlut belse bakah theitawpin thang a hung lak a. Chu hnung khawm chun Manipur state sawrkarin Economic Blockade a la suktawp thei nawh. State sawrkar a chau a, politics khelnain a hman a nih. Hi lei hin Manipur CM O.Ibobi Singh hi inban raw seh tiin Prakash Javadekar chun a hrit.

## Central ministers le Security officials han Economic Blockade chungthu an hritlang

**NEW DELHI:** Central Ministers le Security Officials han zanikhan Manipur-a Economic Blockade fe mek thu le inzawmin meeting an nei. Hi meeting a hin Union Home Minister Rajnath Singh, Union Defence Minister Manohar Parrikar, Union Finance Minister Arun Jaitley, Army Chief General Bipin Rawat, Union Home Secretary Rajiv Mehrishi, Attorney General Mukul Rohatgi le top official danghai an thang tawl.

Meeting a thanghai chun Economic Blockade hlip thei dan ding an ngaituotlang a, khau lema



hmalak thain an hriet a, hi lei hin a tul chun legal action khawm lak ni el thei hrit rik a nih.

Ministers le top officials hai chun Manipur lifeline National Highway No. 2

(Imphal-Dimapur Road) le NH-37 (Imphal-Jiribam) road blockade hawng a ni thei dan ding uluk takin an hritlang a, sawrkar thlungpui chun hieng highway pahni hai hi an hma tienga

hawng a nuom niin ei thu dawngna chun a hrit.

Manipur a National Highway haia UNC in Economic Blockade an thaw hi vavisun hi ni 77 a tlingna ding a ni thaw.

## Loudspeaker hman ding chun phalna lak ding

**IMPHAL:** Manipur Assembly Election hung um ding le inzawma political parties, Candidates, an workers le thlawpu han tawng inringna (loudspeaker) an hman ding chun an hman hman Returning Officer le Police tienga thuneituhai kuomah phalna an lak hmas ding a nih tiin zanita CEO, Manipur thusuok chun a hrit. Loudspeaker hi 6AM-11PM (rural areas) le 6AM-10PM (Corporation/Municipal areas) inkar sung hman thei ding ti a nih.

## LoC laia ralmuongna ngaipawimaw tak; Complaint thawna a social media hmangtu hremna pek ding: Army Chief

### Imphal khawpui sunga venghimna sukhu a nih

**IMPHAL:** January 26, 2017 nia India Republic Day hman ding le inzawmin Imphal East le Imphal West district haia chun security forces han venghimna sin nasa takin an sukkuha a, zani khawm kham hmun hman hman haiah search operation thawin ringhla hai sukkuhwin an dap tawl. Republic Day hman huna thil ditumlo a tlung nawna dinga venghimna hi sukkuha a ni a, zanita search operation an thawna hai chu Imphal West District a Naoremthong Khullem Leikai, Thoudam Leikai le Ngangom Leirak hai an ni a, Imphal West SP le Addl. SP hai inrawina search operation hi thaw a ni a, hi hun sung hin helpawl thung hlui mi 4 man le bail- a insuo ta hnung hai chu thundawchieng dingin Police station-a thui an nih. Traffic Police hai khawmin hmun hman hman dan kala motor khal hai enfelna sin uluk takin an thaw zing baw.

### President dingin RK Imo an thlang

**IMPHAL:** Manipur Cricket Association (MCA) chun zanikhan Sagolband Constituency MLA ni lai mek RK Imo chu an pawl President thar dingin an thlang. Zanita Special General Body meeting nei huna RK Imo hi MCA President dinga an thlang a ni a, Singam Priyananda Singh le Peter Kshtrimayum hai chu Secretary le Treasur ning an tih.

### India rama Telephone line neilo Police stations 402 an um

**NEW DELHI:** Bureau of Police Research and Development report dungzuiin India ramah Police stations 188 motor nei lo an um a, telephone nei lo police stations 402; wireless set neilo police stations 134 le wireless/telephone nei lo 65 an um.

India rama hin Police stations 15,555 a um mek a, hi laia 10,014 hai chu tlangram le a dang po chu khawpuia um an nih.

Helpawl hai hratna Manipur chu India rama Police Station tamna tak le facilities tha le buripna tak a ni a, chu sa khawm chun Manipur-a police stations 43 hai chu phones/wireless set neilo an nih. Chhattisgarh le Madhya Pradesh a chun police stations tamlem hai Maoists hai hrangna biela um an nih. Chhattisgarh-ah motor neilo police stations 161 an um. Madhya Pradesh-a chun telephone line nei lo Police stations 111, Meghalaya le Manipur-ah telephone line

### France khawpuiah International Conference

**PARIS:** Zanikhan France khawpui Paris hmuna Israel le Palestina ram han inremna lampui dapa inbiekna an nei tan nawk thei dan ding ngaituin International Conference nei a nih. Hi huna hin khawvel rambung tum tum 70 aiawtu hai an thang. Palestina chun hien-

### India rama Telephone line neilo Police stations 402 an um

**NEW DELHI:** Bureau of Police Research and Development report dungzuiin India ramah Police stations 188 motor nei lo an um a, telephone nei lo police stations 402; wireless set neilo police stations 134 le wireless/telephone nei lo 65 an um.

India rama hin Police stations 15,555 a um mek a, hi laia 10,014 hai chu tlangram le a dang po chu khawpuia um an nih.

Helpawl hai hratna Manipur chu India rama Police Station tamna tak le facilities tha le buripna tak a ni a, chu sa khawm chun Manipur-a police stations 43 hai chu phones/wireless set neilo an nih. Chhattisgarh le Madhya Pradesh a chun police stations tamlem hai Maoists hai hrangna biela um an nih. Chhattisgarh-ah motor neilo police stations 161 an um. Madhya Pradesh-a chun telephone line nei lo Police stations 111, Meghalaya le Manipur-ah telephone line



ding thu a hrit a. "Army hai WhatsApp, Facebook anawleh TV ah an operate ngai nawh" tiin Army Chief chun a hrit.

Army Day hmannga a chun Army Chief in gallantry award inhlanna a nei a, sipai huosen Lance Naik Hanamanthappa a nuhmei chu gallantry award a chawimawina a nei a nih.

## France khawpuiah International Conference

**PARIS:** Zanikhan France khawpui Paris hmuna Israel le Palestina ram han inremna lampui dapa inbiekna an nei tan nawk thei dan ding ngaituin International Conference nei a nih. Hi huna hin khawvel rambung tum tum 70 aiawtu hai an thang. Palestina chun hien-



gang conference neia um chu lawmum a ti thu a hrit a, Israel ruok chun confer-

ence hi Israel ram dotu hai buotsai a nih tiin an ngai ve thung.

Israel le Palestina ram hai chu hi meeting thutluka ngaitlha ve dinga fiel ve an ni a, sienkhawm Summit a ruok chu an thang phal a ni naw thung a nih. Palestina le Israel hai hin April, 2014 a inthawka kha inremna lampui dapa inbiekna an nei hi an lo chawlsan ta a nih.



### VAWISUN THUPUI

Isu chu Krista a nih ti phattu neka khelhip tum um an ta? Tukhawm Naupa inphat chu Pa khawm a pawm chung nawh; Naupa ringtu ruok chun Pa khawm a pawm a nih. - 1 Johan 2:22-23

## Editorial Economic Blockade nghawng

Manipur a National Highway haia UNC in economic blockade and thaw chu vawisun hi ni 76 zet a tingna a lo ni tah. UNC economic blockade in nghawng tha lo a nei hi hril seng lo, kiltin kiltang a thanaw zawngin a nghawng a ni deu tak. Ei thawhla tlangpui tak chu fak le dawn bakah thautui a nih. Thil man po po a letin an kaisangtir a, sungkuo tin budget a suk failed a, mihriemhai ta ding chun inhremna nunrawng tak el pakhat a nih ti inla ei hril suol taluo ring a um nawh. Pathien thuawihai ta ding chun thaw chi niin an lang nawh. Economic blockade thawhai hlak Pathien thuawi Kristien inti si an ni a, kristien-hai ta ding chun hril a sukhai a, ei kristien sakhuona chen a suk hmingsiet pha ta a nih.

Ei ram tharsuok bu, thlai le hmeruo hai chenin economic blockade suonlama hmangan a man inkai-sangtir a ni a. Ei tha naw tawh khawp el. Hi thil hi ei ngaituo chet chet chun mani le mani inhremna chikhat a nih. Hi lei hin ei ramin a thar suok hai bek hi chu economic blockade suonlamin a man sukpong naw inla nuom a um. Economic blockade ei hmang tngkai tum dan hi an dik naw a nih ti hriet suok thei khawpin thanghar ta seng inla nuom a um. Economic blockade umlei ringawta state danga inthawka ei va lak le phur khawm ni lo, ei huon le ei Lo rasuokhai a man pangngai ni lo, economic blockade rate ang dungzua ei zawr ngam el ta hi chu mihriem lungril pangngai ang ei put tanawh tina a nih.

Economic Blockade lei am a ni ding, Churachandpur town sunga Sa man khawm a kaisang nawk tah. Tuta thla bul ela Vawksa kg. 1 ah Rs. 250 ni hlak kha tulai hin Rs. 270 a hung ni nawk tah. Hiengang bawh hin bawngsa khawm a taksa Kg. 1 ah Rs. 280 ni hlak Rs. 300 a kai nawk tah. Thil man po po a chun Sa man hi a kaisang ngun tak a ni awm. Arsa khawm kg. 1 ah Rs. 200 ni hlak kha tulai hin Rs. 250 a ni tah. Tulaia thil man kaisang hi blockade rate tia ko a nih. Thil iengkim el hi tulai tak hin chu blockade rate a zawr vawng a nih. Thil man kaisang ta hlak hi an hnui nawk ta ngai naw leiin economic blockade um hi chu ei la tuorhla pei ding a nih.

Dawr haiah khawm thil chi tum tum ei hang inchaw a, a man a dabawlin a lo kaisang deu vawng tah. A man pangngai zawr hi chu a um mang ta nawh. Bazar kai ngai lo le dawra thil inchaw thng lo hai ta ding chun blockade rate le rate naw khawm hrie kar thlak nawng ei ta, Bazar kai ngun le dawra thil inchaw zing zing hlak hai chauin blockade rate le rate naw hi an hriet hrang ding a nih. State dang haia chun blockade rate hi a um ve nawh. Manipur state sungah chau blockade rate hi a um le hmang a ni ring a um. Blockade um nawna state haia chun blockade rate hi a um naw ding hrim a nih. Blockade rate um hi state dang haia neka sum ei seng rawn lemna le tax ei chawi belsana ang a nih. Blockade rate ti hi economic blockade hung nghawng le rasuok a nih.

Economic Blockade hin nghawng tha lo a la hung nei pei ding a nih. Education khawm a la hung nghawng ding a nih. Kum dang ang bawkin School Admission chu ei hang thaw tawh a. Amiruokchu, economic blockade leiin textbooks, exercisebook, uniform puon ding le student-hai hmangruo pawimaw chi tum tum hai chu a hung tung theinaw a. UNC in an economic blockade thaw an hlip naw chun ei nauhai hi uniform bo le textbook boin school kai an ta, an lekha inchuk ding a la hung sukabhala pha ding a nih.

Ei state a Assembly Election hung um ding leiin Central Paramilitary Forces singkhat chuong election duty dingin Manipur-ah an la hung lut belsa ding a ni a. Hienghai fak le dawn ding po po khawm hi state sawrkar chun a lo sekkhaw l a tul a. Economic Blockade hi hlip a ninaw chun sipaihai fak ding lo sekkhaw chu state sawrkar chun a beidawng thu a lo hril ta a nih. Election hma neigia economic blockade hi hlip a ninaw chun election chungchanga khawm nghawng thalo tak a nei ding niin an lang. Economic Blockade hi ei thawhla a, ei la thawhla pei ding a nih.

# KA THANG VEH A...

L.Ruoivel Pangamte

December 03, 2016 khan inhma deuvn ka tho a. Dâr 5:30 vèlin kan thaw dân pângngaiin, zingkar borook thienghlim dawngin kan lãwn suok a. Rengkai Road zuiin Tipaimukh Road kan kai a. Hill Town-a inthawka suotieng panin Tiddim Road kan paw nãwk a. Beaulah Lane lûna lampuia lûtin, chutaka inthawk chun Hmartieng kan inher a. Apollo Vèng kan lût a. Apollo Road hraw peiin Nehru Marg kan paw nãwk a. Nehru Marg-a inthawka Peace Lane panna lampuia pèng lûtin, AG Road tieng kan inher thla nãwk a. Iemani chen hnungah kan in lûna lampui hrawtlãngu Sugunu Road kan paw a. Kan in hi, Sugunu Road-in a paltlang, Rengkai Road-a um a nih. SAIA HAI DAWR-a inthawka nhãitê, JJ Piazza Hmar-Suotienga metre 100 vèla chêng kan nih.

In kan zuk lût chun, BETHEL SHELTER hawngna programme-a thãng dinga fiel ka ni thu ka hrietsuok thut a. Keima tãwk tãwka thawding tûlin a mi'n thla ngai lo ka ni leiin, ka thang nuomma tamtakah ka t hang hman ngai nawh a. BETHEL SHELTER ruok hi chu, kan in bûl el, Sãpha'n stone's throw distance an ti, lunga dèng phãk chauva um a ni leiin, dãrkãr khat sùng (8-9 am) programme na nã na chu, thãng hrãm hrãm tuma insingsã ka nih.

Chû tûk chun Offset Press Manager le inhmu t ùlna kan nei leiin, zing dâr 8 hmaa inzo hman dingin mobile phone-in kan inhriluo a. Ka duthusãm ang takin, dâr 8-in kan inzo hman a. Vehicle chãwi lova suok ka ni lei le, lampuihaw thaw malam tûl ka nei leiin, dâr 8:15 vèlin BETHEL SHELTER chu ka tûng phãk chauh a. A hun takah programme an lo t an a. Programme tan hnunga ka zuk lût chu rinum ka ti hle. Thungna tlar hmasataka thung a la tûl nãwk nghal...

BETHEL WORLD MISSION-a inthlúng, BETHEL SHELTER, Rengkai, Churachandpur hi, Pastor David Ralsun-in a enkawl a nih. Hi SHELTER-a hin November thla khaan vawikhat ka lèng lût a. Naupang le thalaihai tiem dinga tak tak lekhabû iemanizãt, lekhabu sienaa an lo rem tlãr duothai chu ka én vèl a. Tûlai mihai hei hamt hatzie a mi'n ngaituosuoktir nasa hle. Sãptawng tiem thiemhai ta ding chun, a tiem nuom taphawtin a thlãwna an tiem thei ding, lekhabu tha tak tak, BETHEL SHELTER lekhabusienaa hin a um a. An nauha'n an sawrtangkai theina dingin, nûlepa tin hin ngaien hai sien ka nuom takzet el...

Pastor David Ralsunin an rawngbãwl dân le rawng an bãwl tûm pei dânhai a mi hril a. Hienga lekhabua rawngbawlna hi, a tangkaizie le a hlutzie, a taka lo pal dawh tak ka ni leiin, BETHEL SHELTER sevèla chêng le hmun hlã deumeta chênghai khawm a, an hung hmang tãngkai vè ngei hi ka nuom takzet a nih. Lekhabu tha tiem hin, mihriem nun a siemthain, an hmabãk khawm a suk-èng thiet ti hi, a hrechitngu laia pakhat ni vein ka'n hriet a. Ka nun keithuoiut pawimãw tak khawm, ka lekhatiemiha an nih.

Pastor David Ralsun mi hril dân chun BETHEL SHELTER hi, Anna Leong lungri la pieng a nih a. Kum hmasa laia ei rama a hung inzin khaan, Rengkai khawlai dunga naupang ruol, thaw mùmál nei lova an invãk sup súp kha a hmu a. Chutaka inthawk chun, a lungri lah BETHEL SHELTER hawng nuomma a hung nei tan nia hril a nih. Chutaka sèngso ding chu a zawng tan ta ngãh a. A enkawltu ding, a rammi ngei Pastor David Ralsun a lo remchãng hlawh bawh a. Chuonga hmã la tûng pei chun, December 03, 2016 zing dâr 8 khaan, BETHEL SHELTER, Rengkai, Churachandpur, Manipur, India chu Dr. Peter Lam-in a hawng a. Chû programme-a ka thãng thu chu a nih, ka hril hi...

BETHEL WORLD MISSION hmalãkna, BETHEL SHELTER hawngna programme-a ka thãng hin, ka ngaituona sei tak a'n vãktir a. A hun ngaituo chun, mãni kea ngir a, naulete enkawlina le insùng khawsak rêlbãwlina kawnga khawm, intodel thei ta àwm chu ei nih a. Chanchintha'n a mi chènchilna khawm hi kum 100 nèka tamlem a ni tah. Ei insùng nun, ei kawlãng nun le kohran nun khawm hi, Chanchintha hin mi suk dãnglampèk ta

àwm tak. Anachu, 'anachu' ti ding hi a la tám èm èm...! Mãni inhmufie hi thil awlãi lem chu a ni nawh. Mi'n an mi hmu dân hlak hi, an mi hril ngam tak tak ngai bawh si nawh. Hienga ramdang-mi'n an mi hung invawi èm èm el hi, lãwm a um ruol ruolin, inénchিংnaa ei hmang naw ding hin inpãmum ka ti a nih.

Anna Leong chauh hi a ni nawh. Kum 10 liem ta lai a, Korea mihai an hung inzin tûm khawm khaan, khawlai dunga invãk mei mei le thung bûm mei mei an mi hmu tam khawp el a. "In va hause tãwl àwm de aw...! Sinhaw lova invãk mei mei le inthung bûm mei mei in tám èm el..." an mi ti hiel nia hril a nih. Chun, khawlai dunga ui le àr le ran invãk vèlhai an hmu dãm kha mak an ti èm èm a. Huondai ei hei kei dei duoi dãm hi, mak an ti a nih. Anni chun a letlinga khawsãah an mi ngai daih chutie... Ei thawdãn hi a mãk tho a nih. Ei ranhai hi thlung lem inla chu, inkhãwsã saa huondai ei keihai hi a tûl naw ding a nih a. Eini'n a suksetheitu ei ranhai insuo zalenin, a ieng thawtheilo lem, ei thilchingna hmumhai hi ei inhuon hlak a. Ei khawsak dân hi chu a mak danglam bawh a nih!

Ramdang-mi haiin mak an ti, an hril ngai chuong lè m lo chu, khu vút vuta lekazuol hãwpa khawlai ei lèng hlak hi a nih. Tûlai khawvèla ding chun, lekazuol hãwpa tam hnam hi chu, hnam chàngkãngloa ngai an ni tah. Chutieng chu ka hril tum a ni nawh. Anna Leong-in naupang le thalai tamtak, thaw mùmál nei lova khawlaia an invãk sup súp a hmu lei a, mùmál nei taka ei naupang le thalaiha'n, hun-ãwl an hmang thei dân ding a mi ngaituopèk hi, lãwmùm ka ti èm èm a. Sawr tangkai ngei tum inla nuomùm ka ti takzet a nih.

Chu lè inzwãm chun hril nuom pakhat ka nei a. Mi'n an mi hmangai leiin, ei nauha'n an hun-ãwl, mùmál nei taka an hmang thei dân ding an mi hung ngaituopèk hi, chonaah ngai ngei inla ka nuom a nih. Sawmdãwl ei tûlna le thãngpui ei ngainaa ei ringtu chanpui haiin an mi hung sawmdãwl a, an mi hung t hangpui hi chu, ringtu hai inhmangaina suktharna le sukzuolto a nih a. Chulai zing chun, eini khawm mi danghai sawmdãwlto le thãngpuituoh ei thãng thei a nih ti hi, inhresuok inla ka nuom a nih.

Ei ram le ei hnam hi ka lungkham ve èm èm hlak a. America President hmingshang John F. Kennedy ang hin, ka ram le ka hnam ta dinga thawthei nei ve hi ka nuom èm èm hlak. Ama chun, "Ka ram hin ieng am a mi thawpèk thei a?" ti lovin, 'Ka ram ta ding hin ieng am ka thaw thei a?' ka ti lem hlak" a ti a. Chû lungril chu, ei hnam, ei ram le kohran thuoituhai hin put thei vè seng inla ka nuom hlak.

Anna Leong hi mi hause le neinung a ni bik nawh. Chun, Rengkai le a sevèla chênghai hi a sùnglekuo le a chipuihai khawm ei ni chuong bawh nawh. Amiruokchu, thaw mùmál nei lova naupang le t hãngthãr iemanizãt an invãk mei mei a hei hmu chun, thãngpuingai ei nih ti a ngaituo suok a. Fãk le dãwn le sil le fèn thila mi thãngpui tûm ruok chu a ni nawh. Ei naupangha'n lungril indik an put theina dinga lekhabu tha an tiem a, rimawi inçhũknaa an hun-ãwl neiha an hmang thei dân ding a mi ngaituopèk a ni lem. Anna Leong hmalãkna hin mĩ po po chu, lungril indik inputtir vawng kher naw nih. Amiruokchu, mi iemanizãt bèkin, an hun-ãwl tãngkãi taka an hmang a, lekhabu tha an tiemnaa inthawka lungril indik put a, nun inzaúm le umze nei an hung nei thei chun, Anna Leong hin hlawtlingah inngai ngei dingin ka ring.

Anna Leong hmathlir hin ei ram le ei hnamah ram tam tak insuo sien ka va nuom de aw... Ei ram le ei hnamah Anna Leong tam tak hung suok bawh inla ti hi ka duthusãm a nih. Mi'n thil tha a thaw nuom tlat chun, lampui a um el hlak. Thãngpuina dawngtu ni lo a, Anna Leong ang thãngpuitu ni hi tûm séng ei tiu ! Ei ramin a pawimaw le a tûl tak nia ka hriet chu, inçhũkna hi a nih. Inçhũkna tienga ei insàng phã chu, thãngpuina dawngtu ni nuom hi tlãwm deu deu ei t'a, thãngpuitua thãng nuom hi ei tam deu deu ding a nih. Chû hun ei tlung ding hun chu nghakhlã'n dingdihlipin ka thlir hlak.

## States 5 haia inthawk chauin complaint a lut

NEW DELHI: Nuhmei hai chunga suolna, sex thila sawisakna le thil dang dang sukrimnuma tuok hai ta dinga 24-hour emergency le non-emergency helpline

April 1, 2015 a inthawk hmang tan a nia inthawk khan States 5- Chhattisgarh, Arunachal Pradesh, Uttarakhand, Mizoram le Nagaland haia inthawk chauin complaint dawng a nih. Hi le inzawma Ministry of Women and Child Development in complaint a dawng tamna tak chu Chhattisgarh niin complaint 561 a dawng a, Uttarakhand-ah 51, Nagaland a inthawk 46, Arunachal Pradesh-a inthawk 22 le Mizoram inthawk 15 an nih.

## Donald Trump a car thar ding \$ 15 million senga siem

WASHINGTON: US President thlang thar Donald Trump a car thar Cadillac One chu President inauguration ni January 20 a suklangna nei ning a ti. President hlui Barack Obama in 2009 a inthawka a hmang car 12 hai chu hnawlin, tuta car thar siema um hin an hmun a hlou ta ding a nih. 2014 khan Secret Service hai chun President car hmang hai chu upgrade a thlak an nuom thu an lo hril ta a, a hmasa lem chu a siem man i 1.5 million seng niin, tuta a thar hi i 15 million zet seng an ti thung.



Hi car thar hi a hmaa mi let tamin a tha zuol dinga hril ani a, invenghimna ralthuom a inthuom niin, tear gas cannons le shotgun hai um a ta, puotienga inthawk chemical gas le biological attack khawma him tawh ding siem a nih. A kawtkhar hai khawm tha taka siem niin, 8 inch a sa a siem ani a, Boeing 747 kawtkhar leh an rik-

tawh dinga induong niin, a ke khawm kapsiet vawng hnunga la tlan thei dinga siem ani bawh.

Car a chun night vision le satellite communication tha tak hai inbuk ani a, a petrol tanky chu special taka siem ani bawh. Silaia kap pal khawma puok lo ding le, silai kap tlang theilo ding siem a nih. Hieng anga car ropui le him tawh dinga siem khawm hi tuoksiet tuoklo thei chu ani bik naw a, 2011 khaan hi ang car hin Dublin-ah speed breaker a lo intang ta a nih. Tuta siem thar ruok hi chu adjust theia siem niin, lampui inhuoi le insangna ah buoina nei ta naw nih.

## Boruok ngirhmun zonaw leia thi mi 1,600

NEW DELHI: Nikum 2016 sung khaan boruok lum le dei taluo tuorzo lova thi India ramah mi 1,600 an um nia hril a nih. Nipui lai-in, thli lum hrang le boruok lum taluo leia thi a thi hai laia 40% an um a hril ani bawh.

India Meteorological Department (IMD) in a hril dan chun, 2016 kha boruok lumna tum tak niin a hril a, India le khawvèl pum huopin a la um tak niin a hril. January le February thla kha thlasik laia a lum tum tak niin a hril a, IMD chu 1901 a inthawka khawvèl boruok inlumlet dan recordu ta nih.

Bihar, Gujarat le Maharashtra hai chu a lum bik

## Gangasagar-ah mipui pungkawm haiin mi 6 chilhlum



KOLKATA: Makar Sankranti hmang dinga fe mipui tam tak Kolkata a inthawk 129 km. a hla Gangasagar-ah an pungkawm huok leiin, mi 6 chilhlum niin midang tam takin hliemna an tuok pha. Hliem um zat char hi chieng taka hriet a la ni naw a, mithi khawm an pung pei ring a nih.

Kachuberia ghats-ah mipui tam tak lut an tum laia thil tung ani a, zani zantieng 5 PM a jetty number 5 Kachuberia ghats

## Naga mi 2 in Bharat Ratna Dr. APJ Abdul Kalam Excellence Award

DIMAPUR: Naga hnam sunga mi Er. Dr. Vikuotuo lie Angami le Hotoshe Sema hai chu 'Bharat Ratna Dr. APJ Abdul Kalam Excellence Award' inhlam an ni a, Lok Sabha speaker hlui Meira Kumar in India International Centre, New Delhi a function neina ah inhlana a nei a, an pahni hin Nagaland mi an nih.

India International Friendship Society (IIFS) in January 14 a 'Economic growth and national integration' ti thupui hmanga conference a neina a chun, India ram sunga mi hlawtling le mi bik iemanizat hai chawimawina a pek a. Chawimawina an hlan hai chu field hran hrana mi hai niin, science and technology, education, industry, fine arts, politics le social work a mi hai thangin, ram hmasawna le inthanglienna dinga contribution nei hai chawimawin an nih.

## Constable ama le ama an that

MUMBAI: Zanikhan Mumbai hmuna kum 45-a upa Police Constable Kanhaiya Naitham chu Dhanora village, Gadchiroli district-ah a ruolnu chengnainah a service pistol hmangan ama le ama an kap hlum. Naitham hi nuhmei le nau nei tah, Dhanora Police station a posting a ni. Hi thil tlungna hmun hi nuhmei Police constable a thawtku chanpui chengna in a nih. Hieng thil a thaw nasan hriet a ninaw a, sienkhawm an insung thil buoina lei ni dinga ring a nih.

## CPEC sea route security a dingin China in Pakistan lawng 2 pek

NEW DELHI: China-Pakistan Economic Corridor (CPEC) a hmang dingin zanikhan China in Pakistan lawng 2 a pek a, a lawng pek hai chu maritime patrol vessels an ni a, lawng hai chu China le Pakistan in kara sea ruot a hmang ding a nih.

Pakistan Navy hai chu lawng tiengpang tulai hma an lak nasa a hril ani a, tuta China in maritime vessels a pek hin Pakistan Navy hai chu a sukrhat pha ring niin, Pakistan le China inlaichinna a sukdet pha bawh ding a nih. China sawrkar chun lawng pahni "Dasht" le "Zhob" hai Pakistan Navy pek nawk dingin thutlukna a siem a, tuhin lawng hai chu siem mek niin, hun tlawmte sunga zo dinga beisei a nih.

Table with 4 columns: Hours, Studio/CR/P, Programme, CD/No. Rows include 5:23pm Signature, 5:25pm Vande Mataram, 5:30pm PAITE Prog., 6:00pm HMAR Prog., 6:30pm THADOU Prog., 7:00pm FARM & HOME.

Editorial Board  
Lalmalsawm Sellate: Editor & Publisher  
Roding L. Sellate: Jt. Editor  
Ramsditum @ Rama Ralsun: Asst. Editor  
Lalsansuok Pulamte & Samuel Zothanglien@SZ Zote: Sports  
Joseph Joute: Freelance  
Lalruotlien Dulien: Computer Assistant  
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.



CHANCHIN LAKTAWI

Barkha Dutt NDTV a inthawk a bang



NEW DELHI: Senior journalist Barkha Dutt chun NDTV a inthawk ba bang ta thu zanikhan Twitter hmangin a puong. Ms Dutt hi NDTV a Consulting Editor ni lai mek a ni a, ama puola thil iemani tak thaw nuomma nei leia suok dawng ni dinga ring a nih.

A pasal mi sawr in a suollui

NEW DELHI: Zani hmasa zang khaan south-west Delhi-a Chhawla area hmuna nuhmei pakhat chu a pasalin sinthaw dinga a sawr pakhatin a suollui. Ei thu dawngnain a hrii danin suolluia um nuhmei hi a pasal leh an insehbuoi a, a pasal lungsen chun room sunga kal khumin insawng chung tieng zal dingin a fe san a, chu hun remchang lain a pasalin sinthaw dinga a ruoi pasal pakhat chun a suollui nia hrii a nih.

Bomb um nia hrii lei-in German vuongna Kuwait-ah

KUWAIT CITY: Oman a inthawk Germany pana vuong Germany vuongna Flight No. EW177, Airbus A330-203 chu zanikhan a (vuongna) sunga bomb um nia hrii lein Kuwait hmuna a tum a, a sunga chuong passengers 299 hai chu him takin vuongna sunga inthawk insuoktir an ni a. Hi hnung hin vuongna sung nasa taka dap a ni a, sienkhawm a lo in (sleep) lein a ko ri a hriet naw nia hrii a nih.

Bahrain in Shiites mi 3 a suoklum

DUBAI: Bahrain sawrkar chun zanikhan Shiites mi pasal 3 hai chu Police 3 thatna le inzawmin zanikhan a suoklum. March, 2014 nia bomb sukpuok a ni leia Police 3 in thina an tuok le inzawma hieng pasal pathum hai hi thi dinga an chungthu rel a ni a, Court in ni 6 sung an case a chel tang hnungin zanikhan an pathum hin silaia kap hlum an nih.

PM in Army hai inpekna anpak

NEW DELHI: Zani kha Army Day ani le inzawmin, Prime Minister Narendra Modi chun Sipai thang mek le pension tah hai le an sungai chibai a buk a, India mipui haiin sipai hai huoisenna le an inpumpekna chu an inza thu le, anni zara an thla a muong thu a hrii.

Navjot Singh Sidhu in congress zawm



NEW DELHI: Zanita New Delhi hmuna congress vice president Rahul Gandhi leh inhmuna an nei zovin Navjot Singh Sidhu in congress a zawm. Navjot Singh Sidhu chu BJP MP niin, hi hma deu khawmin a nuhmeiin congress a lo zawm ta baw a nih.

Brazil Jail-a inbeituona suokah mi 10 thi




BRASILIA: Brazil rama Rio Grande Do Norte, Natal khawpuia Alcauz jail a chun jail sunga inthang gang hai kara inbeituona nasa tak a suok a, intang mi 10 in thina an tuok. Tukum sunga Brazil rama Jail-a hiengang buoina suok a vawithumna a nit ah. Tuta thla bul khan Amazonas le Roraima jails haia buoina suokah jail-a intang mi 100 deuthaw in thina an lo tuok ta a nih.

Trump in Putin inhmupui a tum nia hriina an hniel

WASHINGTON: US President-elect Donald Trump in US President a hung chel-a inthawk chawlkarkhat sungin US President Vladimir Putin inhmupui a tum nia report um chu Donald Trump in Secretary of state dinga a nominate Rex Tillerson le Defense Secretary nominee James Mattis han an hniel.

Martial Law puong Supreme Court khawmin mi dang thei naw nih: Duterte



MANILA: Philippine President Rodrigo Duterte chun ram sunga Drugs leia harsatna a zuol pei chun Martial Law a zam/puong ding thu Inrinni zan khan a hrii a, Martial law a puong ding le ding naw thauh chun tukhawmin mi dang thei naw ni haia, Supreme Court khawmin mi dang thei naw nih tiin a hrii.

Patna lawng chesuola thi hai ex-gratia Rs. 2 lakh

NEW DELHI: Inrinni zana Patna-a lawng chesuol leia hringna chan sungai zangnadawmna Rs. 2 lakh seng PM National Relief Fund a inthawk pek dingin Prime Minister Narendra Modi in zanikhan a puong a. Hliem inrik zuol hai inenkawlina dingin Rs. 50,000 pek dingin Prime Minister's Office in a puong baw.

PM in Digital Dakiya scheme hawngna nei

JABALPUR: Indore district, Madhya Pradesh ah zanikhan cashless transaction suklarna dinga siem Digital Dakiya scheme hawngna Prime Minister Narendra Modi in a nei. Digital Dakiya chu Digital Postman ti khawma ko ani a, India ram hmun hran hran hai ah fe in digital transaction suklarna le inchuktirna neiin, digital hmang a hlawkna hai hriina nei a tih.

SEBI in brokers fee sukhnui

MUMBAI: Securities and Exchange Board of India (SEBI) in brokers fee a sukhnui thu zanikhan a puong a, kha hmaa 25% pei a lak hlak chu 1 crore transaction tinah Rs. 15 pei lak ni tang a tih. Brokers fee chu customer le an zawmpui hai taphawt huom dinga siem niin, regulator haiin bazar le hmun hran hran haia an dawl khawm hlak khawm huom dinga siem a nih.

Kum 4 mi suolluia thattu man

MUMBAI: Naupang kum 4 mi suolluia thattu mi 3 hai chu zanikhan Mumbai Police haiin an man. Mi 3 hai chun naupangu chu chocolate a thlemin, a serhai them pekin an suollui a, chu zova thatin a ruong an phum a, restaurant-ah nga le bu fa in inhawi chen dingin an maksan niin police thusuok chun a hrii.

Syria-ah ISIS chetna leia mi 30 thi

DAMASCUS: Deir Ezzor khawpui, eastern Syria ah zanikhan Islamic state group hai le sawrkar sipai hai an inkaptuo a, mi 30 neka tamin an hringna an chan pha. Syrian Observatory for Human Rights hrii dan chun, sawrkar sipai 12 le ISIS 20 inkaptuo a a chun an thi niin a hrii.

Lamsira bomb puokah mi 6 an thi

KABUL: Zanikhan Afghanistan rama Nagarhar province, Pachir-wa Gam district-ah lampui sira bomb puok lein civil mi 6 in thina an tuok. Hi bomb puoka thi hai lai hin nuhmei le naupang khawm an thang a, civil mi 2 dangin hliemna an tuok baw. Tu pawl khawma bomb hi an sukpuok a ni thu an la puong nawh.

a sunna thu hriin, mithi sungai a tuorpui thu a hrii baw a. Prime Minister chun Mahatma Gandhi Setu sukchangkannga dinga programme an buotsaia video conference fethlenga a thuhrii ding khawm a a sawn hla pha baw a nih.

Inrinni zana Patna a lawng chesuol kham ni 20 in hringna an chan a, midang iemanizatin hliemna an tuok pha baw a nih. Lawng chu mi an chuong rawn taluo leia chesuol nia hrii a nih.

Minister Jayant Malliya in a scheme hawngna a nei a, chutaka sinthaw ding hai chu state sawrkarin Identity card a pek tawl ding a nih.

Digital Dakiyas chu In tina fe in mitin digital transaction thaw dan inchuktir a ta, nuhmei le kum upa tieng hai inchuktirna nei ni hunah thur bik deu a tih. Scheme chu tlangram le khawpui haia hmang dinga siem a nih.

Sunburn Festival kansel a nih

NEW DELHI: Jawaharlal Nehru Stadium, New Delhi hmuna January 15, 2017 (zanita) Sunburn Festival nei dinga ti chu security thil lein kansel a nih. Hi Festival huoihawt dinga phalna Organizers han an hmu theinaw leia kansel nia hrii a nih.

Trump inauguration-ah Democrats thenkhat thang an tum nawh

WASHINGTON: January 20, 2017 nia US President dinga thlangting thar Donald Trump in US President ni dinga intiengkamna hunser (swearing-in Ceremony) a nei huna chun Democrats congressmen thenkhatin thang an tum nawh. Arizona Representative Raul Grijalva chun, January 20, 2017 hin a constituency-ah sin a thaw ding lein Washington hmuna a um naw ding thu a hrii.

Nigeria in Jammeh Asylum pek a nuom

ABUJA: Nigeria lower house (house of representative) chun Gambian President ni lai mek le President a inthawka inban nuom lo Yahya Jammeh chu President a ninaa inthawka an ban chun an rama inhumhimna (asylum) pek dingin an remtih. Nigeria President Muhammadu Buhari chun, Jammeh in President a nina inbana, Adama Barrow kuomah thuneina an hlan phawt chun an rama inhumhimna pek dingin House Representative in thutlukna an siem niin a hrii.

AGALEA SCHOOL Admission Notice 14th January, 2017

SKIN SPECIALIST Dr C. Laldinthari (Tete-i) MD

Rajnath Singh in Manipur ambush report pe dingin an hrietir

NEW DELHI: Union Home Minister Rajnath Singh in National Highway 37, Manipur hmuna ambush report pe dingin Manipur sawrkar a hrii. January 12 a helpawl haiin motor an ambush tum kham mi pakhatin a hringna chanin midang 2 in hliemna an tuok pha a nih.

Trump inauguration-ah Democrats thenkhat thang an tum nawh

WASHINGTON: January 20, 2017 nia US President dinga thlangting thar Donald Trump in US President ni dinga intiengkamna hunser (swearing-in Ceremony) a nei huna chun Democrats congressmen thenkhatin thang an tum nawh.

Nigeria in Jammeh Asylum pek a nuom

ABUJA: Nigeria lower house (house of representative) chun Gambian President ni lai mek le President a inthawka inban nuom lo Yahya Jammeh chu President a ninaa inthawka an ban chun an rama inhumhimna (asylum) pek dingin an remtih.

Ringling Bros. Circus khar a ni ta ding



ELLENTON: Kum 146 zet liemtae inthawka lo tan "The Greatest Show on Earth" Ringling Bros. and Barnum & Bailey Circus neitu chun tukum May thlaa inthawk hin kum tuongna dingin khar a ni ta ding thu Associated Press a hrii.



### Gul Panag-in Nuhmei Motor Khal Hrilmwai



Duties khawm ei nei a, chu chu ei ngai pawimaw ding a nih" tiin a hril. Nuhmeihai motor khal ding an tha nawh ti le motor khal dinga ei ngai nawna khawm hi ngaituona indiklo mei mei lei a ni thu hrilin, pasahlai ngai pawimaw lem an ninaa inthawka hung suok niin a hril baw. Hieng ang ngaidan hi naupang tet a inthawkin an tan a, nuhmei chu pasal neka hrat naw, pasal neka inhuoi dinga ngaidan a um hlak niin a hril.

**MUMBAI:** Beauty Queen lo ni tah, model, actress, producer, biker le licensed pilot ni baw Gul Panag chun, pasal nek in nuhmei motor khal an thiem lem niin a hril. "Statistic ei en a, pasal nek in nuhmei motor khal an thiem lem lein nuhmei motor khal hi hrilmwai sukhmu ding a nih" tiin India Road Safety Week neina le inzawmin PTI a hril.

Road Safety Conclave neina hunah, zu dawna motor khal ngai lo ding in mipui an fui a. India chu ram (democracy) la naupang tak, inthang hrät tak niin, mani dikna (rights) hrie hlura mani thaw ding (duty) hre nuom mang lo ang in a hril.

"Sikul ah ei fundamental rights hai ei inchuk, an mi hril a. Anachu, tukhawmin ei "fundamental duties" ei ngaisak ta nawh. Khawlai hmuna khawm um inla, ei thaw ding (duty) hai ei thaw hi ei mawphurna a nih. Rights ei nei ang bawkin

Nuhmeihai chu an intawma in kila inthawka suok dawka kal pen dinga infui rawptu Gul hin, United Spirits – Diageo National

### Carrie Fisher Le Debbie Reynolds Chawimawi

**LOS ANGELES:** Hollywood history ah la um zen zen ngai lo, milar an thi hnunga Golden Globe Award chawimawina ngat lem chu la um lo, "Star Wars" Princess Carrie Fisher le a nu Debbie Reynolds hai chu special taka chawimawina inhlän (pêk) an nih.



An pahni'n Hollywood le American entertainment khawvêla an thaw hlawkna inzana le chawimawin an film dang dang mi 'clips' hran hran, langsar le mi tin an tlangleh tah le hrietlarhai suklang an nih a. Jimmy Fallon in hnesaw tak in a chanchin a hril baw a. Golden Globe Award history-avawikhatna a la nih.

ti thuthang um lein fans tamtak an lungawi nawh a. Amiruokchu, Carrie Fisher khan a thi hmian a part ding po shooting a zofel hman lein Lucasfilm-in a siemfäng naw ding thu a puong a, fans hai an läwm hle.

Company thusuok chun, "Carrie legacy chu kan inza hle zing a, digital-a siemfäng mei mei tluk chi an nawh. Lucasfilm sungkuo mi a ni zing a, la ni zing a. A mi maksan tah lein ruokin kan inhriet nasa hle

a, kan sun takzet a nih" tiin a hril.

Carrie khan "Star Wars: Episode VIII" shooting a zo vawng hnungin London a inthawkin Los Angeles a pan laiin vuongna sungah a lungphu chau thut a. Damdawin admittin ni thum hnungah a thi a. A thi ni khat hnungah a nu Debbie Reynolds a thi näwk a. A ruolin thlan pakhatna an phum tah a, tuhin a ruol bawka chawimawin an um a nih.

### Sports:

#### ENGLISH PREMIER LEAGUE SUPER SUNDAY MATCH RESULT

### Everton chun Champion dinga beisei Manchester City an sawp

Zani zan English Premier League Super Sunday Match hmasa lemah Everton chun Champion thei ding ngirhmuna ngir Manchester City an mikhuol a. Mikhuol team Manchester City chun Field-ah ro an rel hne hle a. Ball Possession khawm 62% an chang phak. Anachu muolneitu tieng in goal an veng hne el bakah goal thun tieng an vangnei lein point hlu tak pathum an lo hlawsuok ve thung a nih.



an inkhel a, minute 34 naah Everton ta dinga goal machine ti hiela an ko Romelu Lukaku chun

goal hmasa a thun a. Half chenhah 1-0 in hma an t huoi a nih. Second Half inthan hlim minute 47 naah

Kevin Mirallas chun goal dang a hung thuna nawk a, Manchester City tieng khawma goal thun ngei

Hun iemani chen goal thun thei bik um lovin

#### ENGLISH PREMIER LEAGUE INRINNI ZAN RESULT

### Inkhel pariet um lai mani goal tienga thun pali tawp a um; Hull City chun Relagation zone an suoksan van vang

Inrinni zan Premier League inkhel pariet zet a um a. Result mak taluo a um naw a, a hrat dinga beiseihai an hrat deu vawng. Zanita ei tarlang ang khan Tottenham chun West Brom hai 4-0 tawp in a lo hne a. Chu hnungah Burnley chun Southampton an lo mikhuol ve thung a. Anni hi an inang tawker cher hle a. Ball possession khawm 41% le 59% an nih. Inkhel sung hun tamlem goal a lut naw a, hun tawp hnei tieng minute 79 naah Burnley tieng chun Joey Barton hmangin goal umsun le an hrata goal an thun a. Southampton tieng theitawp suoin nawrlét hai sien khawm goal an thun thei lat naw lein point hmu lovin an inlawi ta a nih.

mani chen hma an thui a. First Half hma met minute 32 naah Hernandez chun an se phur chu a hung sût ta a nih. Half chenhah beiseina nei ve vein 1-1 in an inangtaw. Second Half inthan deu hlim minute 51 naah Abel Hernandez baw chun goal pakhat a hung thuna lein muol neitu tieng chun 2-1 in hma an thui ta a nih. Bournemouth tieng khawma theitawp suoin an se phur an sût tum a, ball khawm an chang rawn. Anachu a pawimaw tak goal an thun thei bik chuong nawh. Chu näksapah minute 62 naah Bournemouth player Tyrone Ming chun anni goal tienga a thunpal nawk a. Hull City ta dinga hrata sukchiengtu a hung inchang ta a nih. Tuhin AFC Bournemouth hai hi Table-ah a sawmpakhatna an ni mek a, Hull City ruok chu a 16 na an ni mek.

mikhuol tieng chun Marko Arnautovic hmangin goal an thun ngahal a, chu zo chau minute 22 naah ama bawkin goal a thun nawk a, chu zo sawntawte minute 32 naah Peter Crouch chun goal dang a thun sa. Half tawm ruoi minute 40 naah tulaia transfer ding anga thuthang nei mek Jermain Defoe chun Sunderland ta ding in goal pakhat a thun a. Hi bâk hi goal dang a lut sa ta nawh. Muol neitu Sunderland hin ball chang rawn lem hai sien khawm goal tieng an vangduoi lein anni khelmuola ngei point pakhat khawm an hmu zo ta naw a nih. Tuhin Game 21-ah Sunderland chun point 15 chun nein an huoi tak daw an ni mek a. Stoke City ruok chu a pakuona an hung inhlangkai ta a nih.

Swansea City chun Arsenal an lo mikhuol ve a. Arsenal player suongvâw Oliver Giroud le Alexis Sanches haiin goal pakhat ve ve an thun a. Swansea tieng an beidawngna sukzoultu ding in an player pahni Jack Cork le Kyle Naughton haiin anni goal tieng an

Match dangah Season chenneve table mawngphaa um Hull City chun tulaia thaw tha mek AFC Bournemouth hai an lo mikhuol a. Ring naw takin Hull City chun 3-1 tawp in a lo hne lein relegation lo thei ding ngirhmuna an hung inhlangkai. Minute 3 chauin AFC tiengin Penalty an hmu a, Junior Stanislas chun a thun a, AFC tieng chun 0-1 in hun ie-

### Michael Jackson Naunu A Lâwm



**LONDON:** King of Pop Michael Jackson a thi (2009) hung kum 7 vèl a liemtao chu ama ngaisangtu an la tam hle a, pawisa sum hui lutnaa hmang khawm an la bo naw laiin controversy khawm a bo bik nawh. British channel SKY Arts chun Michael Jackson a chanchin *Urban Myths* chu mingo actor Joseph Fiennes le hmai-kâwr hmangin a sukuok a. Midum tamtak, abikin Michael Jackson a naunu Paris Jackson le a nephew Taj Jackson hai chun an dit naw hle a.

Mi tamtaka inthawka sawisêlta a um lein SKY Arts chun an program insuo zawm ta lo ding in a rel a, Paris Jackson le Taj Jackson hai chun social media fethlengin British channel SKY Arts kuomah läwmthu an hril. SKY Arts chun, "Michael a sunghai a inthawka an lungril natna an hung hril dungzuin insuo zawm ni tah nawng a tih" tiin a hril.

Mingo actor le hmai-kâwr hmanga Michael Jackson film an siem boycott-na ding in a fans hai chun kâr hmasa khan "Boycott Film With White Actor Cast as Michael Jackson" tiin social media ah campaign an thaw a. Michael Jackson lem vun

ngo, abikin British actor-in a chang hi an dit naw a nih. Mipuiin an thlawpna thauh läwmthu hrilin, Michael Jackson nau nuhmei neisun, an mi lai, kum 18 Paris chun, "Kan sungkuo rawl ngaipeka kan hang um el hih mak khawm ka tih a, ka läwm baw a nih. In ring nek in kan läwm a nih" tiin Twitter followers hai a hril a. Taj (43) khawmin, "Ka pate legacy humhimna ding in hmalkana lein kan läwm a. Abikin, media hi thu mi cover pektuhai chungah kan läwm hle a nih" tiin a twit baw.

A pa Michael Jackson anga siem film poster suklang a ni kha a naunu Paris chun, "Tirdak a um taluo a, ka luok a sukuok a nih" tiin a hril a. Taj chun, "Ka pate an hmusitna kha hrilin a siek nawh" tiin a hril baw.

Michael Jackson khan, Setp.11, 2001 World Trade Centre an bomb siet hmian, Elizabeth Traylor le Marlon Brando leh thil thaw zofel lo an nei a, chu thu khawm chu *Grease* changtu Stockard Channing le *The Bourne Identity* changtu Brian Coz hai hmangin a film, "Elizabeth, Michael and Marlon," (Episode) siem nia hril a nih baw.

### Priyanka Hospitala inthawka suok

**WASHINGTON:** 'Quantico' an changnaa insukhlém Priyanka Chopra chu hospital-a inthawka a suok nawk ta a, tuhin in tieng an lawi ta a, tuta kar tawp tieng hin chu shooting a tan nawk thei ta beisei a nih tiin E! Online report chun a hril. Priyanka Chopra hi July, 2016 a inthawka kha drama thriller



series 'Quantico' second season shooting thaw tan nawk ta a nih.

### Bella Hadid Le Selena Gomez Inbei



**LOS ANGELES:** Ngaizawng in chuna kawngah chu pasal nek in nuhmei an ropui lem a hawi. Latin singer Selena Gomez chun tulaia hnei khan ngaizawng thar The Weekend nein an khawksak zing video le lim tlang hrieta pholangin, a mawngtam chen uolau takin a suklang a, an ngaizawng thu a ip bawkwaw.

A thaw zo hung kirin a nene inlang thalak sexy tak chu an hmu ding ngeiin a post ve näwk a. Selena Gomez chet dan hi a theida hle niin an sungthu hretu chun a hril. "Bella Hadid hin The Weekend hi a la dit zing a, a la hmangai zing a nih. Selena Gomez leh hienga an um hmaa Girogio Baldi leh Santa Monica hot-spot a an in-kiss lai pholang a ni khawm kha a lungril a na em em a. Tuta Selena leh a hang hmu kawp näwk hin a lunglai a hliem takzet a nih" tiin a hrl baw.

nei tum kha The Weekend inlar näwkna ding in Bella Hadid hin theitawp a suopui a. Ingaizawng zing in tha taka um zinga an inggai lai Selena Gomez leh darkar thum neka säwt hotel pindana an khawksak dan a hang hmu näwk kha Bella Hadid chun Selena Gomez a theida tah em em a. The Weekend hi ama ta angin a la ngai a. Selena beiletna ding in a eltam a, Selena khawmin a eltam ve pei a nih.

Selena le The Weekend chu inhawi an ti a, an inmil hle niin a hril a. Ingentlam thil a hung um pei ding ti ruok chu hunin la hril a tih.

### Sarah Michelle Nau Emergency Room ah

**LOS ANGELES:** Ieng anga milar le hausa, buoi le sin hau khawm, mani nauhai damnaw chun nu tak lem chun thil dang iengkhawm an buoi pui thei nawh. Sarah Michelle Gellar khawm a naupa Rocky James Prinze (5) a damnaw chu nuom le nuom naw leh Emergency Room ah hun a hmang a tul a, a naupa enkawlin zan khawvarin hun a hmang a nih.



A naupa kum 5 mi, Rocky natna hrik virus thenkhat leia inthuk harsa tia damdawi in a panpui chu Emergency Room (ICU) ah an lo refer a. "Ka nauhai Emergency Room ka lutpui näwkna ding in kum 7 a ngai, hun säwt tak chu a nih" tiin social media a fans hai a hril.

game tha a ti thu a hril baw.

Dama an suok hnungin doktor le nurse hai kuomah läwmthu hrilin, "Darkar 24 chawl lova sin thaw doktor le nurse hai chungah läwmthu ka hril, a unu Charlotte kuomah leh" tiin a post baw a. A naupa khawm hädam tak in inah a zal hädam tah niin a hril.

"Zan säwt tak a nia chu vängnei thlak takin Rocky chun dam tieng a pan ta lein an min suo ngäl a. Khel hril nawng ka tih, ka nau inthuk thei lova um hang en ringawt

### Chennai Smashers in Premier Badminton League 2017 Title an lak

**DELHI:** Chennai Smashers hai chun Mumbai Rockets hai chu 4-3a hnein Premier Badminton League 2017 title chu an lo lak tah. Hi inelna hin Chris Adcock le Gabrielle Adcock hai chun an khingpui Mumbai Rockets-Nipitphon Phuangphuet le Nadedza Zieba hai chu 11-9, 11-6a hnein, chu zovah PV Sindhu chun a khingpui Sung Ji-Hyun chu 11-8, 11-8a hung hne nawkin, Chennai 3-0 in hma an hung thuoipei a nih. Amiruokchu Mumbai team- Lee Yong Dae le Nipitphon Phuangphuet chun men's double-ah hrata hung changin point 2 zet team ta ding in an hung thawlawm a nih. Chu zovah, HS Prannoy chun a



khingpui Parupalli Kashyap chu 11-4, 8-11, 11-8a hung hnein team points 3-3 in a hung sukruolta a nih. Chu zo, match tawp natk le hratlem sukchiengna match-ah Chennai Smashers Ajay Jayaram chun an khingpui Mumbai Rockets

Tanongsak chu hung vudawk nawkin, Chennai ta ding in hrattak nina a hung namnghet ta a nih. Hratlem Chennai Smashers hai hin lawmmanin Rs. 3 crore dawng an ta, pahnaa latu Mumbai Rockets hai hin Rs. 1.5 crore dawng veng an tih.

### Rafael Nadal: Beiseina suktawp tumlo

**MELBORNE:** Insukhlémna nei sien khawm Rafael Nadal chun Pathien-ni khan Grand Slam-ah an hnei thei ngei a beisei thu a hril. Kum 2014 a inthaw Grand Slam-ah semi-final khawm kai phak talo Nadal hin chik taka an ngaituo hnungin a coach hlui, a pate Toni Nadal chu banin Spanish mi Carlos Moya chu coach thar ding in December thla kha alo lak-felta a nih. Natna ala nei le neinaw thur-ah zawna a dawanna chun "hliemna ka nei naw a, natna boa ka umna a sawt tah. Ka tum ram ka tung ngei ka beisei a nih" tiin a hril. A hril peinaa chun "Moya hi ka careera ding in khermy mi



ditzawngtak a nia, kum 15 ka nia inthaw practiced kalo neipui hlak reng a nih. Kan in bul laia cheng ve a nia, kan kar thu hi buoina ding bek bek a um nawh" tiin a hril. World No.9 Nadal hin, Thawleni khermy a first rounda ding in German mi

Florian Mayer inkhel pui ata, chun teiraw inkhel thiem, mi tam tak beisei hlaw Alexander Zverev chu third round-ah inkhel pui baw a tih. Nikum kha Nadal hin a first roundah Fernando Verdasco lakah a lo tlawm ta a nih.